

07

05

11

01

16

56

ain herren auch zū besitzē im hymelstul die er mit alle  
seinen anhangenden durch die hoffart het verloren. hat  
er ayn schmerzen gehabt überschwencklich sere. vnd als  
er ain nid het. der seligkeit des hatt er im fur gesetzt. im  
zestriten vnd gantzlich ertöden. Vnd als er erkant das  
vß erfaulen wurtzel nitt mügent. den allain wirrnessig  
öpffel wachsen. hat er bewegt den ersten stritl oder krieg  
vff der erde. mit dem ersten menschen. durch mittel der  
frauen. Vnd wie wol der erbermlich mensch was stöck  
er den der teüfel. durch die vnschuld. Jedoch als er hyn  
geworfen het die waffen seiner vnschuld. vff das er wol  
gesiel der frauen: So er verlassen het gott. vnd hinge  
ben das schloss des paradys ( das im beuolken was )  
dem feind gottes verstand der teüfel. So das abgesprach  
en was die gehorsamkayt dem obersten künig gott. Als  
er worden was ain verretter / hat er sich frey hin gebenn  
in die hend des teüfels / Vnd also. So er erlanget het  
die überwindung von dem ersten menschen. ward gott  
vnwirdisch vmb der verretterey wegen. vnd von wegen  
das er also hin geworffen het die waffen der vnschuld.  
sich selbs het gemacht ayn gefangnen des teüfels. mit al  
len seynen nachkumendenn. hat in gott auß geworffen:  
von dem irdischen paradys. als denn das offenbar ist  
im büch der geschöpffte am dritten capitel. Vnd hatt in  
gesandt in das ellend. ayn stat der vnuernünstige thier  
vnd eyn tal der zaher. Hierumb do der hailig Sa  
uid bedacht das ellend vnser ersten geberers. ist er. her  
auß brochen in die wort des anfangs sprechend. So. der  
mensch was in eren. etcetra.

21 iij

Ende

Anfang